

91

12. júlí

Höfuðstól sjóðsins má ekki skerða, en öllum ársvöxtum skal verja til verðlauna. Skólastjórn veitir verðlaun eftir tillögu náttúrufræðikennara. Rektor afhendir verðlaun við skólauppsögn.

4. gr.

Verðlaun skal veita þeim nemanda í efsta bekk, sem þykir skara fram úr öðrum um þekkingu og áhuga á náttúrufræði. Að jafnaði skal veita ein verðlaun á ári hverju. Þó má fleiri veita eða engin, ef það þykir rétt.

5. gr.

Leita skal staðfestingar forseta Íslands á skipulagsskrá þessari.

Reykjavík, 15. maí 1956.

92

13. júlí

REGLUGERÐ

um nemendafjölda fastra kennara, afslátt á kennsluskyldu vegna aldurs, aukastörf kennara, árlegan starfstíma kennara við gagnfræðastigsskóla, sem laun miðast við, og þóknun til skólastjóra við skóla, sem tví- og þrískípað er í.

I. KAFLI

Um nemendatölu hvers kennara.

1. gr.

Ríkissjóður greiðir laun fastra kennara, enda sé tala þeirra miðuð við nemendafjölda, árlegan kennslutíma og hversu verknám er mikið. Nemendafjöldi hvers fasts kennara, án afsláttar í kennsluskyldu, skal vera sem hér segir:

A. Í barnaskólum:

Tala nemenda	9 mán.	8 mán.	7 mán.	6 mán.
150 og fleiri	40 nem.	35 nem.	30 nem.	25 nem.
110—150	38 —	33 —	28 —	23 —
71—110	34 —	29 —	24 —	19 —
70 og færri	30 —	25 —	20 —	15 —

B. Í gagnfræðastigsskólum:

a. Bóknám:

90 og fleiri	30 —	28 —	26 —	24 —
61—90	28 —	26 —	24 —	22 —
60 og færri	26 —	24 —	22 —	20 —

b. Bóknám og verknám, þar sem verknám er $\frac{1}{4}$ — $\frac{1}{3}$ hl. náms-efnis:

90 og fleiri	28 —	26 —	24 —	22 —
61—90	26 —	24 —	22 —	20 —
60 nem. og færri	24 —	22 —	20 —	18 —

c. Bóknám og verknám, þar sem $\frac{1}{3}$ — $\frac{5}{12}$ hl. námsefnis er verknám:

Tala nemenda	9 mán.	8 mán.	7 mán.	6 mán.	92
90 og fleiri	26 nem.	24 nem.	22 nem	20 nem.	13. júl
61—90	24 —	22 —	20 —	18 —	
60 og færri	22 —	20 —	18 —	16 —	
d. Bóknám og verknám, þar sem verknám er $\frac{5}{12}$ — $\frac{1}{2}$ hl. náms-efnis:					
90 og fleiri	24 —	22 —	20 —	18 —	
61—90	22 —	20 —	18 —	16 —	
60 og færri	20 —	18 —	16 —	14 —	
e. Verknámsskóli, þar sem verknám er $\frac{1}{2}$ námsefnis eða meira:					
90 og fleiri	15 —	14 —	13 —	12 —	
61—90	14 —	13 —	12 —	11 —	
60 nemendur og færri	13 —	12 —	11 —	10 —	

C. Í húsmæðraskólum:

a. Heimavistarskólar:			
36 og fleiri	12 —	11 —	10 —
25—36	11 —	10 —	9 —
24 og færri	10 —	9 —	8 —
b. Heimangönguskólar:			
36 og fleiri	16 —	15 —	14 —
25—36	15 —	14 —	13 —
24 og færri	14 —	13 —	12 —

2. gr.

Nemendafjöldi hvers skólastjóra og kennara, sem fær afslátt frá kennsluskyldu skv. 9. gr. þessarar reglugerðar svo og vegna aldurs og skólastjórarstarfa, lækkar í hlutfalli við kennsluskyldu hans.

3. gr.

Á því skólaári, sem kennari verður 55 ára skal fækka kennslustundum (skyldustundum) hans og aftur, þegar hann verður 60 ára eins og hér segir:

Í barnaskólum	6 stundir á viku í hvort sinn.
Í gagnfræðastigsskólum	5 — — — — —
Í húsmæðraskólum	6 — — — — —

II. KAFLI

Um mat á aukastörfum.

4. gr.

Aukastörf, sem taka ber tillit til í sambandi við starfstíma og launagreiðslur til kennara, eru þessi:

1. Umsjón í heimavistarskólum, svo sem með útivist nemenda, borðhaldi, lestri og tómstundavinnu þeirra.
2. Önnur umsjónarstörf, svo sem með bókasafni skólans og áhöldum, félags- og skemmtanalífi nemenda, með nemendum, sem verða að dvelja fram yfir kennslutíma á skólastað vegna áætlunar- eða skólabifreiða.

92

13. júl

Um greiðslur fyrir stílaleiðréttingar og hliðstæða heimavinnu kennara gilda sérstakar reglur svo fremi, að eigi sé veittur afsláttur frá kennsluskyldu þeirra vegna, en um þann afslátt gilda sömu reglur og um getur í 6. gr.

5. gr.

6. gr.

Um mat á aukastörfum þeim, er um ræðir í 4. gr. og síðasta málslíð 5. gr., gildir sú regla, að hverjar 3 klst. í umsjón o. þ. h. jafngilda 2 kennslustundum.

7. gr.

Til umsjónar og eftirlitsstarfa í heimavistarskólum (sbr. 1. tölulið 4. gr.) skal ætla hverjum skóla þann tíma á viku hverri, sem hér segir:

A. Í barnaskólum:

Með allt að 20	nem. alls:	18 klst.
— — — 20—50	— —	24 —
— — — 50 o. fl.	— —	36 —

B. Í héraðsskólum:

Með allt að 50	— —	18 —
— — — 50—100	— —	36 —
— — — 100 o. fl.	— —	54 —

C. Í húsmæðraskólum:

Með allt að 20	— —	18 —
— — — 20—50	— —	24 —
— — — 50 o. fl.	— —	36 —

8. gr.

Skólastjóri gerir í samráði við skólanefnd rökstuddar tillögur um stundafjölda, sem nauðsynlegur er til þeirra umsjónarstarfa, sem getið er í 2. tölulið 4. gr. Sendir hann hlutaðeigandi námsstjóra tillögurnar, sem sendir þær ásamt álitinu sínu áfram til fræðslumálaskrifstofunnar og fjármálaeftirlitsmanns skólanna.

9. gr.

Þóknun til kennara fyrir aukastörf má reikna þannig:

- sem afsláttur í kennsluskyldu,
- sem lenging árlegs starfstíma, er þó verði ekki lengri en 9 mánuðir,
- sem stundakennslu (sbr. 6. gr.).

III. KAFLI

Um árlegan starfstíma gagnfræðastigsskóla, sem laun kennara eru miðuð við.

10. gr.

Laun kennara við gagnfræðastigsskóla, er starfa
 í 8 mánuði, skal miða við 9 mánaða starf,
 í 7 mánuði, skal miða við 8 mánaða starf,
 í 6 mánuði, skal miða við 7 mánaða starf.

Eigi skal þessi lenging tímans, sem laun eru miðuð við, hafa áhrif á daglega (vikulega) kennsluskyldu kennara frá því, sem nú er, en tilkall á skólinn til starfa kennara fyrir og eftir hinn árlega, reglulega kennslutíma, sem þessari lengingu tímans nemur, ef þörf krefur.

IV. KAFLI

Þóknun til skólastjóra í tví- eða þrískipuðum skólum.

92

13. júlí

11. gr.

Einskipað er í skóla, þegar allir deildir skólans rúmast í skólahúsnæðinu samtímis þann tíma, sem til þess þarf að fullnægja kennslu samkvæmt stundaskrá hinna ýmsu aldursdeilda, allt að $5 + 1 = 6$ klst., samfelldan skólatíma.

Skóli skal teljast einskipaður, þrátt fyrir það að kennsla í sérgreinum einstakra deilda og námsflokka fari fram eftir aðalskólatíma. Sama gegnir, þótt einni eða fáum bekkjardeildum sé kennt síðdegis, ef það skólastarf, tví- eða þrískipningin, nær ekki 20% af deildafjölda daglegs starfstíma eða kennslurýmis einskipaðs skóla.

Sé skólinn fullskipaður frá kl. 8 f. h. til kl. 6—7 e. h., þar með talinn tíminn kl. 12—1 e. h., telst tví- eða þrískipan vera 100%, miðað við einskipaðan skóla. Skal þá greiða skólastjóra hámarkspóknun, enda taki hann ekki laun fyrir kennslu í skólanum á sama tíma.

12. gr.

Sé skólinn tví- eða þrískipaður að einhverju leyti, viss prósenttala af deildum, kennslurými og fullum daglegum kennslutíma einskipaðs skóla, greiðist þóknunin hlutfallslega eins og hér segir:

1.	Nái tvískipningin	20%	verður þóknun	$\frac{1}{5}$	af hámarkspóknun.
2.	—	40%	—	$\frac{2}{5}$	—
3.	—	60%	—	$\frac{3}{5}$	—
4.	—	80%	—	$\frac{4}{5}$	—
5.	—	100%	—	$\frac{5}{5}$	—

13. gr.

Þóknunin skal vera eins og hér segir:

- Hámarksalaun, þegar tví- og þrískipan nær 100%, nemi þá 25% af launum viðkomandi skólastjóra.
- Þegar tví- og þrískipan nær 80%, verði þóknun 20% af launum.
- — — — — 60%, — — — 15% — —
- — — — — 40%, — — — 10% — —
- — — — — 20%, — — — 5% — —

Fjármálaeftirlitsmaður skólanna skal endurskoða árlega, hver þóknunin skal vera, því að hún getur verið breytileg.

14. gr.

Rísi ágreiningur um skilning á reglugerð þessari, sker menntamálaráðuneytið úr.

15. gr.

Reglugerð þessi, sem sett er samkvæmt lögum nr. 41/1955, ákvæðum 21. gr. launalaga nr. 92/1955, heimild í 17. gr. laga nr. 34/1946 og 38. gr. laga nr. 48/1946, öðlast þegar gildi.

Menntamálaráðuneytið, 13. júlí 1956.

Bjarni Benediktsson.

Birgir Thorlacius.